



Број: 01/4-50-3-4-17/16  
Сарајево, 4.1.2016.

## Z A P I S N I K

### **17. sjednice Komisije za finansije i budžet Predstavničkog doma Parlamentarne skupštine BiH, održane 29.12.2015., od 11,00 do 13,15 sati.**

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Mirsad Isaković, Dušanka Majkić, Jasmin Emrić i Damir Bećirović.

Opravdano je odsustvovala Aleksandra Pandurević.

Sjednici su, također, prisustvovali: Vjekoslav Bevanda, ministar, Sanja Jokić, sekretar, Vlatko Dugandžić, pomoćnik ministra, Halida Pašić, šefica Odsjeka za planiranje budžeta u Ministarstvu finansija i trezora BiH, Dragan Vrankić, generalni revizor, Jasna Ćesir, viši revizor učinka Ureda za reviziju institucija BiH, Damir Balić, šef Odjela za pravosudne budžete i donatorska sredstva Visokog sudskog i tužilačkog vijeća BiH, Samir Mušović, savjetnik, Karlo Holub, Elma Muratović i Aleksandar Paleksić, saradnici u USAID SGIP, Nejra Neimarlija-Roić, saradnica Instituta za razvoj mladih KULT, Robert Vidović, sekretar Komisije za finansije i budžet Doma naroda PSBiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su također prisustvovali i predstavnici medija – Jelena Radojević-Kapor, novinarka BHRT-a, Snježana Samardžija, novinarka SRNE, Muamer Selimbegović, novinar FENE, i Željka Domazet, novinarka Glasa Srpske.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

## DNEVNI RED

1. Usvajanje Zapisnika 16. sjednice Komisije;
2. Razmatranje Prijedloga zakona o Budžetu institucija BiH i međunarodnih obaveza BiH za 2016. godinu - prva komisijska faza (predlagač: Predsjedništvo BiH);

3. Razmatranje Izvještaja o izvršenoj reviziji učinka o temi: „Transparentnost rada institucija BiH“ (sačinilac: Ured za reviziju institucija BiH).

Predloženi dnevni red usvojen je jednoglasno.

#### **Ad.1. Usvajanje Zapisnika 16. sjednice Komisije**

Zapisnik 16. sjednice Komisije usvojen je jednoglasno, bez primjedbi.

#### **Ad.2. Razmatranje Prijedloga zakona o Budžetu institucija BiH i međunarodnih obaveza BiH za 2016. godinu - prva komisijska faza (predlagač: Predsjedništvo BiH)**

Prijedlog zakona o Budžetu institucija BiH i međunarodnih obaveza BiH za 2016. godinu obrazložio je Vjekoslav Bevanda, ministar finansija i trezora BiH.

Potom je predsjedavajući Komisije otvorio raspravu u kojoj su učestvovali: Damir Bećirović, Mirsad Isaković, Predrag Kožul, Dušanka Majkić, Jasmin Emrić, Salko Sokolović i Vjekoslav Bevanda, ministar finansija i trezora BiH.

Nakon rasprave Komisija je, sa šest glasova „za“, jednim glasom „protiv“ i jednim glasom „suzdržan“, prihvatila Prijedlog zakona o Budžetu institucija BiH i međunarodnih obaveza BiH za 2016. godinu u prvoj komisijskoj fazi.

Također, Komisija je, sa sedam glasova „za“ i jednim glasom „protiv“, usvojila sljedeći zaključak:

1. Predstavnički dom Parlamentarne skupštine BiH prihvata zahtjev Predsjedništva BiH, broj: 01,02-02-1-29/15, od 29.12.2015., za ispravku tehničke greške u Prijedlogu zakona o Budžetu institucija BiH i međunarodnih obaveza BiH za 2016. godinu i ovlašćuje Odjel za izradu i objavljivanje pravnih akata Sekretarijata Parlamentarne skupštine BiH da ispravi tehničku grešku u članu 15. stav (1) Prijedloga zakona na bosanskom i srpskom jeziku i da umjesto iznosa od 387.000 KM navede iznos od 496.000 KM, te da ispravi ostale tehničke greške u Prijedlogu zakona.

#### **Ad.3. Razmatranje Izvještaja o izvršenoj reviziji učinka o temi: „Transparentnost rada institucija BiH“ (sačinilac: Ured za reviziju institucija BiH)**

Izvještaj o izvršenoj reviziji učinka o temi: „Transparentnost rada institucija BiH“ obrazložio je Dragan Vrankić, generalni revizor Ureda za reviziju institucija BiH.

Potom je otvorena rasprava u kojoj su učestvovali: Damir Bećirović, Dušanka Majkić i Predrag Kožul.

Nakon rasprave, Komisija je jednoglasno prihvatila Izvještaj o izvršenoj reviziji učinka o temi: „Transparentnost rada institucija BiH“.

Također, Komisija je jednoglasno usvojila sljedeći zaključak:

1. Predstavnički dom Parlamentarne skupštine BiH obavezuje Vijeće ministara BiH da u roku od šest mjeseci izvijesti Komisiju za finansije i budžet Predstavničkog doma o

planiranim i preduzetim aktivnostima na realizaciji preporuka iz izvještaja, te da o preduzetim aktivnostima upozna Ured za reviziju institucija BiH.

**Sekretar Komisije**

Željko Kosmajac

**Predsjedavajući Komisije**

Predrag Kožul

Prilog: Neautorizirani transkript 17. sjednice Komisije za finansije i budžet PDPSBiH